




ხაშურის მთაშუა



№24 (55)

27 ივნისი, ორშაბათი, 2016 წელი

თაობების ოცნება რეალობად იქცა

ის, რაზეც თაობები ოცნებობდნენ, უკვე რეალობად იქცა. ხაშურში დაიწყო სასპორტო კომპლექსის მშენებლობა, რომელიც დასრულების შემდეგ, ქვეყნის რეგიონების ცენტრებში არსებულ სასპორტო კომპლექსებს შორის ერთ-ერთი საუკეთესო იქნება. ამ დღეებში მშენებლობა შიდა ქართლის გუბერნატორის



მოვალეობის შემსრულებელმა იოსებ ოქრომელიძემ, გუბერნატორის მოადგილემ ამირან შავშიაშვილმა და ხაშურის მუნიციპალიტეტის გამგებელმა გიორგი გურასაშვილმა დაათვალიერეს.

სპორტკომპლექსის ტერიტორია მოსახლეობის მიერ გამოიყენებოდა ნაგავსაყრდელად და მას სხვა დანიშნულება არ გააჩნდა. ამ მასშტაბური პროექტის ფარგლებში კი მივიღებთ 600 კაციან საშუალო, საჭიდაო, სატრენაჟორო დარბაზებს. ამასთანავე იქნება სასტუმრო, კვების ბლოკი. შესაბამისად, ეს იქნება სრული კომპლექსი იმისათვის, რომ მივიღოთ ნებისმიერ სახის სპორტული შეკრება ადგილობრივ თუ რეგიონალურ დონეზე. გარდა ამისა, კეთილმოეწყობა ეხოს მიმდებარე ტერიტორია, სადაც დაიგება 2000 მ²-ზე მეტი ხელოვნურ საფარი. სპორტკომპლექსს აგრეთვე ექნება საკუთარი ავტოსადგომი.

სოფლებში სამართლებრივი და პიროვნული განვითარების ტრენინგები იწყება

სამართლებრივი და პიროვნული განვითარების ტრენინგების გაგება 1 ივლისიდან საქართველოს 8 რეგიონში იქნება შესაძლებელი.

იუსტიციის სასწავლო ცენტრის ახალი პროექტი - „სამოქალაქო საზოგადოების გაძლიერება“

საქართველოს იუსტიციის სასწავლო ცენტრი 1 ივლისიდან 30 სექტემბრამდე საქართველოს 33 სოფელში იწყებს ტრენინგების უფასოდ ჩატარებას.

უკეთ ისარგებლონ საკუთარი უფლებებით და სახელმწიფო სერვისებით. აქტიურად მიიღონ მონაწილეობა სახელმწიფოებრივ და საზოგადოებრივ პროცესებში.

პროექტში მონაწილეობის მიღება შეუძლია 18-65 წლის ასაკის ნებისმიერ დაინტერესებულ პირს, რომელსაც აქვს სურვილი მიიღოს ინფორმაცია საკუთარი სამოქალაქო უფლებებისა და ვალდებულებების შესახებ და დაინტერესებულია სოციალური უნარების განვითარებით.

სწავლებაში მონაწილეობის მისაღებად საჭიროა გაიაროთ რეგისტრაცია 1 ივლისიდან სოფლებში არსებულ საზოგადოებრივ ცენტრებში ან ვებ-



ბას. სამართლებრივი და პიროვნული განვითარების ტრენინგები სოფლების საზოგადოებრივ ცენტრებში გაიმართება და მათი მიზანია სამოქალაქო საზოგადოების გაძლიერება, რეგიონის მცხოვრებთა სამართლებრივი ცნობიერების ამაღლება და პიროვნული განვითარების ხელშეწყობა.

სატრენინგო თემები შერჩეულია სოფლად მცხოვრები მოსახლეობის ინტერესების და საჭიროებების გათვალისწინებით და ორიენტირებულია პრაქტიკული უნარების გამომწვევაზე, რათა სოფლის მკვიდრებმა

გვერდზე tcj.gov.ge. ტრენინგების ბოლოს გაიცემა სერტიფიკატები.

ტრენინგების თემებია: სამართალი და ადამიანის უფლებები, კონსტიტუციური ორგანოთა სისტემა და ადგილობრივი თვითმმართველობა, საკუთრების უფლება, სამეწარმეო და საგადასახადო სამართლის საბაზისო ცნებები, რა არის ევროკავშირი, რა არის დისკრიმინაცია, ევექტიანი კომუნიკაცია, კონფლიქტის მართვა, დროის მართვა, პროექტის მართვა და პროექტი წერა.

საატესტატო გამოცდები წარმატებით დაიდო

საატესტატო გამოცდების შემოღების გადაწყვეტილება საქართველოს მთავრობამ 2010 წელს მიიღო, ხოლო ტესტირების შინაარსობრივი, ადმინისტრაციული და ტექნიკური მხარის მომზადება და შემდგომ განხორციელება გამოცდების ეროვნულ ცენტრს დაევა. 2011 წლის 23 მაისს კი ქვეყანაში პირველი კომპიუტერზე ადაპტირებული გამოსაშვები გამოცდები ხარვეზების გარეშე ჩატარდა. 2013 წლიდან კი გამოცდები ორ ეტაპად მე-11 და მე-12 კლასებში ტარდება.

წელს, 47 ათასი მოსწავლე იყო დარეგისტრირებული. მათგან ნაწილს მხოლოდ ატესტატის აღება უნდოდა, ერთიან ეროვნულ გამოცდებზე კი 41 600 აპირებდა გასვლას, თუმცა, საბოლოო შედეგების მიხედვით, გამოცდებზე დაახლოებით 38 ათასი აბიტურიენტი გავა. 87%-ია იმ მოსწავლეთა რაოდენობა, რომლებმაც მათემატიკაში გადალახეს ბარიერი, 97% - ქართულ ენასა და ლიტერატურაში, 96% - ისტორიაში, დაახლოებით 86%-ია უცხო ენაში.



წელს, საატესტატო გამოცდებში ჩვენი რაიონის მოსწავლეებიც იღებდნენ მონაწილეობას, შესაბამისად, არსებული შედეგების გაცნობის მიზნით კომენტარის გაკეთება ხაშურის რესურსცენტრის უფროსის მოვალეობის შემსრულებელს ზვიად გოგუაძეს ვთხოვეთ - წინა წელთან შედარებით გამოცდებში ჩაჭრილთა რიცხვი მხოლოდ 3% გაიზარდა და ეს პროცენტი, ძირითადად, მათემატიკაშია და უცხო ენაში მოდის. აქვე უნდა აღინიშნოს ისიც, რომ არცერთ საგანში, არცერთი კითხვა არ იყო ეროვნული სასწავლო გეგმის მიღმა, ე.წ. კლასგარეშე. შესაბამისად ბავშვები ტესტების სირთულეს არ უჩიოდნენ, 50 განცხადება იყო ქულების დამრგვალებასთან დაკავშირებით, პროცედურული საკითხები საჩივრდება იმავე დღეს სკოლაში და არც ამის პრეცედენტი მომხდარა, რადგან სისტემა იყო სრულყოფილი გამართული. არ საჩივრდება ასევე თავად ტესტებიც, რადგან, აღნიშნული უკვე ადაპტირებულია და შეცდომის ალბათობა ნულის ტოლია, - აღიშნა ჩვენთან საუბარში ბატონმა ზვიადმა.

ინოვაციური ბიზნესის ხელშეწყობის პროგრამა მოქმედებას იწყებს

საქართველოს მთავრობის რეფორმების 4-პუნქტიანი გეგმის ფარგლებში, ინოვაციური ბიზნესის ხელშეწყობის პროგრამა „სტარტაპ საქართველო“ იწყება. „სტარტაპ საქართველო“ დაწყების მიზანია, მოქალაქეებს, განსაკუთრებით კი, ახალგაზრდებს, რომლებსაც აქამდე ფინანსური რესურსის არქონის გამო არ შეეძლოთ ბიზნესის დაწყება, მიეცეთ უნიკალური შანსი, განახორციელონ თავიანთი ბიზნესიდეები და დაიწყოთ საკუთარი ბიზნესი.

პროგრამის განხორციელების შედეგად, ქვეყანაში სამეწარმეო სულისკვეთება ამაღლდება, დაიწყება მრავალი ახალი ბიზნესი, შეიქმნება ახალი სამუშაო ადგილები და მოსახლეობას საკუთარი შემოსავლის წყარო გაუნდება.

პროგრამის განხორციელების პირველ ეტაპზე სახელმწიფო 11 მილიონ ლარს გამოყოფს, რომლითაც ინოვაციური და მაღალტექნოლოგიური სტარტაპები დაფინანსდება. სამომავლოდ, უფრო მეტი სტარტაპის დაფინანსების მიზნით, პროგრამის ბიუჯეტი, შესაძლოა, 35 მილიონ ლარამდე გაიზარდოს.

პროგრამის კოორდინატორები არიან საპარტნიორო ფონდი და საქართველოს ინოვაციების და ტექნოლოგიების სააგენტო.

პროგრამის მონაწილე შეიძლება გახდეს საქართველოს ნებისმიერი მოქალაქე პირი ან პირთა ჯგუფი, ვისაც აქვს სიახლეზე ორიენტირებული, პერსპექტიული და მდგრადი ბიზნესწინადადება და მისი განხორციელებისთვის საწყისი დაფინანსება სჭირდება.

განაცხადების მიღება 2016 წლის 17 ივნისიდან, 31 ივლისის ჩათვლით გაგრძელდება. განაცხადის ფორმა, შევსების წესი და პროგრამის შესახებ დეტალური ინფორმაცია განთავსდება სპეციალურად შექმნილ ინტერნეტ გვერდზე www.startup.gov.ge. პროგრამაში მონაწილეობის მსურველებს ასევე მოემსახურებიან ტექნოლოგიური პარკის შენობაში, სადაც განთავსდება პროგრამის front-ofისი და დაინტერესებული პირები ერთი ფანჯრის პრინციპით ამომწურავ ინფორმაციას მიიღებენ პროგრამის შესახებ. მსურველების უკეთ ინფორმირებისთვის ასევე ამოქმედდება სატელეფონო ცხელი ხაზი. პროექტები კონკურსის წესით შეირჩევა.

ვაჟა შუბითიძე ევროკავშირის შექმნის სათავეებთან ქართველებიც იდგნენ

ეს წერილი სპეციალურად იწერება ქართველ დიპლომატებისთვის, მაღალი რანგის სახელმწიფო მოხელეებისთვის, საქართველოში აკრედიტებული ევროკავშირის, აშშ-ის და სხვა ქვეყნების ელჩებისთვის, რომლებმაც უნდა იცოდნენ, რომ ევროკავშირის შექმნის სათავეებთან ქართველებიც იდგნენ.

დღეს, როცა ზოგიერთი ქვეყანა ჩვენ გვამადლის ვიზალიბერალიზაციის მოცემას (რაც შარშან გაიმეტეს ნაურუსთვის და სხვა ჩამორჩენილი რამდენიმე ქვეყნისთვის) და ამასაც გვიფერხებენ, შინაურმაც და გარეულმაც კარგად უნდა იცოდეს ზოგიერთი მნიშვნელოვანი ფაქტი.

პირველი ის, რომ ცნობილი ქართველი ემიგრანტებმა ჯერ კიდევ 1953 წლის 10 აგვისტოს (ანუ ჯერ კიდევ 63 წლის წინ) ოფიციალურად დაარსეს „ევროპული ქართული მოძრაობა“ (საპატიო თავმჯდომარე პროფესორი მიხაკო წერეთელი), რომლის სულისჩამდგმელი იყო პროფესორი მიხეილ მუსხელიშვილი.

მეორე ის, რომ მეორე მსოფლიო ომის შემდეგ თანამედროვე ევროინტეგრაციის იდეის ჩამოყალიბებაში და განხორციელებაში ჟან მონესა და რობერტ შუ-



მანთან ერთად საპატიო ადგილი უკავია ორ ქართველ ემიგრანტ - მკვლევარს, პროფესორებს მიხეილ მუსხელიშვილსა (1903-1964) და ალექსანდრე ნიკურაძეს (1901-1981).

პროფესორმა ილია ტაბაღუამ მიხეილ მუსხელიშვილს (ევროპაში მას იცნობდნენ როგორც მიხეილ მუსხელს) „ერთიანი ევროპის“ სულისჩამდგმელი და ორგანიზატორი უწოდა. მიხეილი დაიბადა 1903 წელს თბილისში ცნობილი თვალის ექიმის ვახტანგ მუსხელიშვილის ოჯახში, თავის 3 ძმასთან (ლევანი, გიორგი, სოლომონი) დაამთავრა ლევანდოვსკის გიმნაზია და ოთხივე საზღვარგარეთ სასწავლებლად წავიდნენ. 1932-1933 წლებში იგი უკვე ლექციებს კითხულობდა პარიზის უნივერსიტეტის საერთაშორისო გამოკვლევათა უმაღლეს ინსტიტუტში. 1935-1948 წლებში მიხეილი მუშაობდა ქაიროს სამართლის ფრანგული სკოლისა და ქაიროს უნივერსიტეტის პროფესორად. ამის შემდეგ იგი კვლავ ბრუნდება საფრანგეთში, ქ. სტრასბურგში და 1948-1964 წლებში, სიცოცხლის ბოლომდე იყო სტრასბურგის უნივერსიტეტის იურიდიულ და პოლიტიკურ მეცნიერებათა ფაკულტეტის წამყვანი პროფესორი. მიხეილ მუსხელიშვილი ევროპაში ეწოდა ფართო სამეცნიერო და საზოგადოებრივ მოღვაწეობას. 1948 წელს იგი გახდა საუნივერსიტეტო შორისო ფედერაციის პრეზიდენტ-დამაარსებელი, ხოლო 1954 წლიდან ევროპის უნივერსიტეტთა ასოციაციის დამაარსებელი და გენერალური მდივანი. ევროპის ამჟამინდელ პოლიტიკურ ცენტრში - სტრასბურგში მიხეილმა შექმნა ძალიან ავტორიტეტული სამეცნიერო დაწესებულება „მუსხელის ცენტრი“, რომელიც იკვლევდა ევროინტეგრაციის საკითხებს, სწავლობდა საბჭოთა კავშირში მიმდინარე მოვლენებს საერთაშორისო სამართლის კუთხით. ამ ცენტრში მან დაარსა საერთაშორისო სამეცნიერო კრებულები, რომელშიც მონაწილეობდნენ გამოჩენილი მეცნიერები ჟორჟ კედელი, რობერტ მოსესე, გუი ერო, ანრი შამბრი და სხვები. პროფესორმა მიხეილ მუსხელიშვილმა გარდაცვალებამდე მოასწრო ამ ცენტრის კრებულის 2 დიდი ტომის მომზადება და გამოცემა, რომლებსაც უძღვის მისი ვრცელი წინასიტყვაობა. ორივე ტომმა დიდი გამოხმაურება ჰპოვა როგორც საერთაშორისო იურიდიულ მეცნიერებათა სამყაროში, ასევე პრესაში („ფიგარო“, 2.03.1965) მიხეილ მუსხელიშვილის სტატიები იბეჭდებოდა ცნობილ ჟურნალებსა და სამეცნიერო კრებულებში გერმანულ, ინგლისურ და ფრანგულ ენებზე. მისი სტატიები ქვეყნდებოდა ასევე პარიზში გამომავალ ქართულ ჟურნალში „ბედი ქართლისა“ (მაგ. „საქართველო და ევროპა“, 15 1953, გვ. 1-3 „ერთა თვითგამორკვევის უფლებისათვის“, 18, 1954, გვ.15-16 (საინტერესოა, რომ მან ფრანგულ ჟურნალში „მონდ ნუვო“, 89-90, 1955, დაბეჭდა სტატია სათაურით „საბჭოთა კავშირი და ევროპა“, სადაც ამტკიცებს, რომ რუსეთი არ არის ევროპა).

სახელმწიფოებრივ ქართველ მეცნიერს ლექციების წასაკითხად ხშირად იწვევდნენ აშშ-ში, ნორვეგიაში, იტალიაში. ჟურნალ „ბედი ქართლისა“-ს მე-17 ნომერში ვკითხულობთ, რომ მიხეილ მუსხელიშვილმა 1954 წელს მოხსენება წაიკითხა ჩრდილოეთ ამერიკის ყველა დიდ ქალაქში: უნივერსიტეტში, პოლი-

ტიკურ და დიპლომატიურ წრეებში, რელიგიურ საზოგადოებებში. მის ლექციებს ყველგან დიდძალი ხალხი ესწრებოდა. ვაშინგტონში მის მოხსენებაზე მთელი დიპლომატიურ წარმომადგენლობათა წევრები მივიდნენ. ამერიკიდან დაბრუნებისთანავე პროფესორი მუსხელიშვილი სკანდინავიაში გაემგზავრა ოსლოსა და უპსალას უნივერსიტეტების მიწვევით, სადაც მოხსენება წაიკითხა ევროპის ცივილიზაციის კრიზისზე და ევროპის კულტურის გაცოცხლების აუცილებლობაზე. მიხეილ მუსხელი იყო ერთ-ერთი პირველი, რომელმაც ომის შემდგომი ევროპის გაერთიანების, მისი ფედერაციის იდეა წამოაყენა და დაიცვა (რომელმაც დღეისათვის ევროკავშირის სახე მიიღო). მისი აზრით, ევროპული ფედერალიზმი - ეს არის არა მარტო სასიცოცხლო აუცილებლობა ევროპელი ერებისათვის, არამედ მშვიდობის განმტკიცებისა და ევროპაში საერთო აყვავების, ადამიანთა თავისუფლებისა და ღირსების დაცვის გარანტია (იხ.: მისი ნაშრომი „ევროპის ფედერალიზმის სტრუქტურა“).

მიხეილ მუსხელიშვილი იყო ევროპის კონგრესის, ერთიანი ევროპის შექმნის სულისჩამდგმელი, ორგანიზატორი და პირველი პრეზიდენტი „ფედერალური ევროპის მოძრაობის“ კომიტეტის წევრი, ევროპის ერთიანობის საერთაშორისო ცენტრის ბიუროს ვიცე-პრეზიდენტი. იგი აქტიურად მონაწილეობდა საფრანგეთში „ერთიანი ევროპის“ წარმომადგენელთა არჩევნებში, იყო ჟურნალ „ევროპის ფორმირება“ რედაქციის კომიტეტის წევრი. 1953 წლის 10 აგვისტოს ოფიციალურად დაარსდა „ევროპული ქართული მოძრაობა“ (საპატიო თავმჯდომარე პროფესორი მიხაკო წერეთელი), რომლის სულისჩამდგმელი ასევე მიხეილ მუსხელიშვილი იყო.

მკვლევარი არ კმაყოფილდებოდა წმინდა იურიდიული მეცნიერებით და აქტიურად ჩაერთო ცოცხალ პოლიტიკურ ცხოვრებაშიც, იყო ადამიანისა და ერის უფლებების მგზნებარე დამცველი, საქართველოს ქომაგი. ასეთი დიდი ენერჯისა და გაქანების კაცს ვაგიჟებით იტაცებდა ალპინისტობა, რომლის მსხვერპლიც შეიქმნა ბოლოს. 1964 წელს იტალიაში, აოსტას ხეობაში იგი კლდიდან ჩამოვარდა და ტრაგიკულად დაიღუპა (5 წლის მერე იტალიაში იგივე ბედი ეწია ლეგენდარულ მთასვლელს, 37 წლის მიხეილ ხერგიანს). მის დაკრძალვას მთელი სტრასბურგის უნივერსიტეტი დაესწრო. სიტყვა წარმოთქვა უნივერსიტეტის რექტორმა ა. ვიელმა, დეკანმა რაუერმა, ევროპის საბჭოს გენერალური მდივნის მოადგილემ პოლ მოდინმა. დიდი მეცნიერი დაკრძალულია სტრასბურგის სასაფლაოზე და დღემდე უყურადღებოდაა მიტოვებული თანამემამულეებისაგან.

სტატიაში „საქართველო და ევროპა“, 1953 წელს მიხეილ მუსხელიშვილი წერს, რომ საჭიროა დღესვე ვიფიქროთ იმ ადგილზე, რომელსაც თავისუფალი საქართველო დაიკავებს ხვალინდელ მსოფლიოში... მეორე მსოფლიო ომმა საბოლოოდ დაასრულა ეროვნულ სახელმწიფოთა დამოუკიდებლობის ეპოქა (ამას მივუმატოთ დღევანდელი გლობალიზაციის მიერ შექმნილი პრობლემებიც - ვ.შ.) მეცნიერებისა და ტექნიკის მიერ მოხდენილია გრანდიოზული პროგრესმა შექმნა ისეთი ვითარება, რომელშიც მხოლოდ დიდი პოლიტიკურ გაერთიანებებს შეუძლიათ არსებობა... რუსეთის უზარმაზარი იმპერიის შექმნის შემდეგ საქართველოს ჰყავს საშიში მეზობელი, რომლისთვისაც საქართველო ყოველთვის მაცდუნებელი ნადავლი იქნება. როგორ შეუძლია მას გარანტირებული იყოს რუსეთის იმპერიალიზმის საშიშროებისაგან? ამის შემდეგ ქართველი ხალხი იძულებული არჩევანის წინაშეა: ან იგი იძულებული იქნება რუსეთს შეუერთდეს, ან კიდევ კავშირები ეძებოს. სიმართლე რომ ვთქვა, მას არა აქვს არჩევანი იმ უბრალო მიზეზის გამო, რომ საქართველო ახლოსაა ევროპასთან და უცხოა რუსეთისათვის.

შეგნებული აქვს რა ეს ფაქტი, საქართველო არასოდეს არ დათანხმდება რუსეთთან შეერთებაზე. საქართველო, რუსეთისაგან განსხვავებით ევროპულია. ცნობილი არქეოლოგების აზრით, სწორედ აქ იწყება ევროპა. სინამდვილეში - ეს საქართველოდანაა, გვეუბნება ბატონი ვარანიაკი, - რომ დაიძრა ემიგრაციის პირველი ტალღა ევროპისაკენ. მოგვიანებით მჭიდრო ურთიერთობები დამყარდა საქართველოს და საბერძნეთს შორის. პომპეუსმა საქართველოში რომი შემოიყვანა და უკვე I საუკუნეში საქართველოში ქრისტიანობა შემოიტარა, რომელმაც III საუკუნის დასაწყისიდან მთელი საქართველო მოიცვა. ამრიგად, დასავლეთის ცივილიზაციის გარიჟრაჟზე საქართველო მასში მონაწილეობდა. და დღეს შეიძლება ითქვას, რომ საქართველოს მზერა ყოველთვის მიმართული იყო დასავლეთისაკენ, ხანამ იგი რუსეთში არ დაიპყრო.

იყო პერიოდი, როცა ქართველებმა შეიგნეს, რომ ისინი ევროპას მიეკუთვნებიან. ევროპა ახლა აკეთებს ამ დასკვნას. ასევე აუცილებელია, რომ ქართველებმა დაამტკიცონ თავიანთი არსებობა ევროპაში და მიადებინონ საქართველო ევროპულ ოჯახში... მხოლოდ ევროპის თავისუფალ და დემოკრატიულ სახელმწიფოთა ასოციაციაში გაწევრიანების შემდეგ შესძლებს ქართველი ერი დაიცვას თავისი ინდივიდუალობა, თავისი კულტურა და თავისი ტრადიციები და თავი დააღწიოს გიგანტურ რუსულ-აზიურ იმპერიაში შთანთქმის საშიშროებას“

(მ. მუსხელიშვილი)

საქართველოს ევროპასთან ინტეგრაციის, ქართულ-ევროპული პარალელების ძიების და „ევროპოლოგიის“ როგორც სამეცნიერო ინტერ-დისციპლინარული დარგის, ჩამოყალიბებასა და განვითარებაში მნიშვნელოვანი წვლილი შეიტანა გამოჩენილი ქართველი ემიგრანტმა- მეცნიერმა, პროფესორმა ალექსანდრე ნიკურაძემ. ქუთაისის გიმნაზიის დამთავრების შემდეგ ალექსანდრე ნიკურაძე თავის უფროს ძმასთან ივანესთან (შემდეგში გერმანიაში მოღვაწე მსოფლიოში ცნობილი ჰიდრაულიკოსი, თეორიული მექანიკის პროფესორი) ერთად ჩაირიცხა ახლადგახსნილ თბილისის სახელმწიფო უნივერსიტეტში. მალე ნიჭიერი ძმები ივანე ჯავახიშვილისა და პეტრე მელიქიშვილის რეკომენდაციით სასწავლებლად გაგზავნეს გერმანიაში, სადაც მათ დიდი სახელი მოიხვეჭეს.

1930 წლიდან ალექსანდრე ნიკურაძე მუშაობდა მიუნხენისა და ბერლინის უმაღლეს ტექნიკურ სასწავლებლებში. 1934 წელს ბერლინში გერმანულ ენაზე გამოქვეყნდა მისი გახმაურებული მონოგრაფია „თხევა



(დასასრული)

დი დიქტატორები, რომლის რუსული თარგმანი 1936 წელს გამოიცა მოსკოვში (მანამდე ასეთი წიგნი რუსულს არ ჰქონდათ).

თავისი ძირითადი სპეციალობის გარდა (მუშაობდა მყარი სხეულების ფიზიკაში და ენერგეტიკაში, ბოლოს განაგებდა საკუთარ ინსტიტუტს მიუნხენში ამ სფეროში). ალექსანდრე ნიკურაძე გატაცებული იყო პოლიტიკით და ჰუმანიტარული მეცნიერების დარგებით, კერძოდ, გეოპოლიტიკით, ისტორიით, არქეოლოგიით, ლიტერატურით და ა. შ.

სამშობლოს მიძიე მდგომარეობით ღრმად შეწუხებული ალექსანდრემ გადაწყვიტა თანამშრომლობა დაეწყო გერმანიის ნაციონალ-სოციალისტური პარტიის ხელმძღვანელობასთან, რათა გერმანიის დახმარებით აღედგინათ საქართველოს დამოუკიდებლობა. მას ახლო კავშირი ჰქონდა ალფრედ როზენბერგთან, რომლის შეხედულებები კავკასიის მოვლენების მიმართ ემყარებოდა ალექსანდრე ნიკურაძის გაგონებას. როზენბერგი ლობივდა დამოუკიდებელ საქართველოს და ანტისაბჭოთა შეხედულებებით გამსჭვალულ ქართველ პოლიტიკურ ემიგრანტებს გერმანიის მხარდაჭერას ჰპირდებოდა. ცნობილი გეოპოლიტიკოსის კარლ ჰაუსჰოფერის „ფართო სივრცეების“ თეორიის გაგონების ქვეშ მყოფი ნიკურაძე მუშაობდა ჩანაფიქრზე, რომელიც მიზნად ისახავდა, ქართველებს წამყვანი როლი ეთამაშათ ერთიან კავკასიურ კონფედერაციაში. როზენბერგმა ალექსანდრე ნიკურაძეს კონტინენტალური ევროპის კვლევის ინსტიტუტი შეუქმნა, სადაც ამ თემის კვლევას აწარმოებდნენ ჰაუსჰოფერის თეორიის ჭრილში (ამ ინსტიტუტში მუშაობდა ცნობილი ქართველი ისტორიკოსი ზურაბ ავალიშვილი, რომელიც 1944 წელს გარდაიცვალა).

ალექსანდრე ნიკურაძე ფსევდონიმით „ა. ხანდერსი“ რამდენიმე გეოპოლიტიკური შინაარსის წიგნის ავტორია, მათ შორისაა „კავკასია“ (გამოიცა სამჯერ - 1938, 1942, 1944, მიუნხენში), რომელიც ის წარმოაჩენს საქართველოს განსაკუთრებულ მნიშვნელობას კავკასიისათვის. მისი აზრით, საქართველოს, როგორც ცენტრალურსა და პოლიტიკურად ყველაზე უნარიან ქვეყანას კავკასიაში, იგივე როლი ენიჭებოდა, როგორც გერმანიას - ევროპაში. სწორედ ნიკურაძის გაგონებას უნდა მივაწეროთ როზენბერგის პროქართული შეხედულებები - იგი ჯერ კიდევ 1927 წელს ანიჭებდა დიდ მნიშვნელობას კავკასიის რუსეთისაგან გამოყოფას, ხოლო 1941 წლის აპრილში წერდა, რომ „კავკასიის ხალხებს შორის ქართველები ისტორიულად უთუოდ წამყვანნი იყვნენ და ამიტომ ქართველები, შეიძლება ითქვას, მასპინძელი ხალხი უნდა ვახდეთ“.

კავკასიური სახელმწიფოების კონფედერაციისა, რომლებმაც შესაძლებელია გერმანიას სთხოვონ მათი კულტურული და ეროვნული არსებობის დაცვა“. 1943 წელს გამოვიდა ალექსანდრე ნიკურაძის წიგნი „გადაწყვეტილებათა მიღების უამრავი“, შემდეგ კი მისი ნაშრომები „ევროპის ფორმირებისათვის“, დიდი ბრიტანეთის შემკვიდრების შესახებ“, „ადმოსავლეთ ევროპა“, „ოცნებები ვიდრე საქმემდე“ და სხვა. ყველა ზემოხსენებული წიგნი ეძღვნება კონტინენტალური ევროპის კვლევას, მის წარსულს, აწმყოსა და მომავალს და არის გეოპოლიტიკური შინაარსის. მისი ნაშრომი „ადმოსავლეთ ევროპა“ არის ორნაწილიანი. პირველი ნაწილი მოიცავს პერიოდს უძველესი დროიდან მონღოლთა გამორჩენამდე. სწორედ ამ ნაწილშია შესული საკითხები კავკასიის შესახებ. რომელიც

გადმოტანილია მისი წიგნიდან „კავკასია“ (ამ წიგნში კონცეპტუალურად პირველად კავკასია წარმოდგენილია ერთიან გეოგრაფიულ, ისტორიულ და პოლიტიკურ ერთეულად). ალექსანდრე ნიკურაძის თანამოაზრე იყო მისი მძაფრე იოჰანე (იოჰან) ნიკურაძე - მსოფლიოში აღიარებული ჰიდრაულიკოსი. იგი იმავდროულად მუშაობდა საბრძოლო თვითმფრინავებისა და ატომური ბომბის აეროდინამიკაზე. მან თავისი კვალი სამოქალაქო ინდუსტრიაშიც დატოვა, რადგან ივანე ნიკურაძის მოღვაწი „ფორმის“ ფირმაში მიიღო, ასევე ცნობილი მოღვაწე 911 მისი ნახაზებითაა გაკეთებული. 70-იან წლებში ევროპაში ცალკიანდაგაიანი მატარებელი გამოვიდა, რომლის აეროდინამიკური თვალსაზრისი ივანე ნიკურაძის შემუშავებული გახლდათ. სავარაუდოა, მძიე ნიკურაძეების დეაწლი ექვთიმე თაყაიშვილისადმი მინდობილი საქართველოს ეროვნული განძის გადარჩენის საქმეშიც. ექვთიმე იხსენებდა გერმანელი ფიზიკოსის ფორმაში გადაცემულ ორ ქართველს, რომლებიც პარიზში გერმანელი ფაშისტების შესვლისთანავე გამოეცხადნენ და მას განძის დამალვაში მიეხმარნენ (დავით პაიჭაძე).

ალექსანდრე ნიკურაძის წიგნში „ოცნებები ვიდრე საქმემდე“ (1951) მოცემულია ნათელი დებულებანი ევროინტეგრაციის იდეისათვის და ევროპის მომავლისათვის, ასევე საქართველოს ისტორიისათვის. 1951 წლის სექტემბერში მან პარიზის ქართულ სათვისტომოში წაიკითხა მოხსენება „ზოგადი სურათები ქართულ-ევროპული წარსულიდან“, სადაც გამოთქმული იყო ორიგინალური იდეები.

1952 წლის 22-24 სექტემბერს საფრანგეთში, ქ. კომპიენთან ალექსანდრე ნიკურაძის ინიციატივით „ლა ბრევიერის“ სასახლეში შედგა ევროპულ მეცნიერთა კონგრესი, რომელსაც დაესწრნენ მეცნიერები საფრანგეთიდან, გერმანიიდან, იტალიიდან, ინგლისიდან, შვეციიდან, თურქეთიდან და სხვა ქვეყნებიდან. კონგრესის საგანი იყო ევროპული საკითხების მეცნიერული კვლევა-ძიება. სხვა წინადადებათა შორის კონგრესმა მიიღო პროფესორ ალექსანდრე ნიკურაძის აზრი ცნება „ევროპოლოგიის“ შემოღების შესახებ, რომელიც წარმოადგენს ევროპულ სხვადასხვა მეცნიერული დარგების თავმოყრას და ერთ სწავლებლად ჩამოყალიბებას (კონგრესის მუშაობაში აქტიურ მონაწილეობას იღებდა პროფესორი მიხეილ მუსხელიშვილიც).

სახელგანთქმულ მეცნიერს ალექსანდრე ნიკურაძეს ლექციების წასაკითხად იწვევდნენ პარიზის, ვაშინგტონის, ბერლინისა და მიუნხენის უნივერსიტეტებში. ოქსფორდში გამართულ მეცნიერთა მსოფლიო კონგრესზე. 1956 წელს პარიზში ფრანგულ ენაზე გამოქვეყნდა მისი ნაშრომი „არგონავტების მითი“. მაღალი დონით გამოირჩევა მისი ნაშრომები: „ქართული არქიტექტურის საკითხისათვის შუა საუკუნეების ევროპულ აღმოსავლეთში“, „სკანდინავიელები და ქართველები პონტო-ბალტიის სანაპიროზე“, „დოქტორი ოტო ფონ ვეხენდოკი - როგორც ქართველოლოგი“, „დასავლეთ ევროპის რომანული არქიტექტურისა და ქართული არქიტექტურის პარალელების ახსნის სახით“, „სუმერთა პირვანდელი ადგილსამყოფელის საკითხისათვის (კავკასია შესაძლოა პირველ სამშობლო სუმერთა ლითონის)“ და სხვა. ამრიგად, შეიძლება ითქვას, რომ ევროინტეგრაციისა და ევროპოლოგიის განვითარებაში შეტანილია ქართული წვლილიც, რითაც შეგვიძლია დღეს ვიამაყოთ.

ხიდირბეგიშვილები

ხაშურის რეგიონში ერთ-ერთი მცირე სათავადოს ხიდირბეგიშვილები ქმნიან. არაერთ წყაროში დაფიქსირებულია სახიდირბეგიშვილო, რომელიც დღევანდელი სურამისა და ხაშურის მიმდებარე ტერიტორიებს მოიცავდა. მათი რეზიდენცია სურამში უნდა ყოფილიყო, აქვე იყო მათი საგვარეულო სასაფლაო (კვირაცხოველის ეკლესია). ისინი ბოლო დრომდე ცხოვრობდნენ, როგორც სურამში, ასევე ხაშურში.

იოანე ბატონიშვილი ხიდირბეგიშვილების ხაშურში მოსვლას 1630 წლით ათარიღებს. იგი თავის გენეალოგიურ შრომაში „შემოკლებით აღწერა საქართველოსა შინა მცხოვრებთა თავადთა და აზნაურთა გვარებისა“, ხიდირბეგიშვილების შესახებ აღნიშნავს: „ესენი არიან გვარით ამილახვარისა გვარისანი... ხიდირბეგის შვილობა მიიღეს ამით, რომელს გაათარდა ამათი წინაპარი ახალციხეს დროსა დაპყრობისა თურქთაგან, და უწოდეს სახელად ხიდირბეგ და ამის გამო მიიღეს მისთა შთამომავლობათა ხიდირბეგის შვილობა. ხოლო ამ ხიდირბეგის შვილი მოვიდნენ ქართლსა შინა სურამის ხეობის ადგილს ხაშურსა შინა და მუნ მიუბოძა მეფემან ადგილი იგი წელსა 1630-სა. და ნათელ იღეს ამით და იწოდენ გვარად ხიდირბეგის შვილებად, და არიან ზოგნი ამათნი გვარნი და შთომილნი ახალციხეს ხიდირბეგის შვილებად, თათრებად და სხვანი ქართლში მამუკას შვილებად და სხვანი კვლავ ხიდირბეგის შვილებადვე“ (2,28).



სურათზე: (დაახლოებით 1925 წ.) ვასილ ხიდირბეგიშვილი ოჯახით. მალლა მარცხნივ დგას გენიალური მსახიობი სერგო ზაქარიადე, რომელიც ვასილის ნათლული იყო და, ფაქტობრივად, ამ ოჯახში იზრდებოდა.

იოანე ბატონიშვილის მიერ ხიდირბეგიშვილების წარმომავლობის შესახებ ზემოაღნიშნულ ისტორიულ ტრადიციას იმეორებს და ადასტურებს ე.წ. „ხედგენისძის საჩივრის წიგნი“, რომლის მიხედვითაც „...რომელიც დაშთენ მესხეთ, ივინი თუმცა ამილახვარად არ იხსენიებიან გუარით, გარნა არიან თავადნი, იმერეთს მესხებად წოდებულნი და აზნაურებად. ეს სახედვე ახალციხესა შინა არიან ამილახვრის გვარისანი და ხიდირბეგისა შვილებნიცა“.

ამრიგად, ისტორიული ტრადიციის მიხედვით, ხიდირბეგიშვილები ზედგენიძეთა / შემდგომში ამილახვართა / გვარიდან გამოდიან. ზედგენიძეთა ერთი ნაწილი ახალციხის მხარეში ოსმალთა გაბატონების შემდეგ გაათარდნენ. ზედგენიძეთა სწორედ ეს ნაწილი მოიხსენიებიან ხიდირბეგიშვილებად, რადგან იმავე ტრადიციის მიხედვით ზედგენიძეთა გვარის იმ წარმომადგენელს, რომელიც გაათარდა, სახელად ხიდირბეგი უწოდეს, რომლის სახელიდანაც შემდგომ წამოვიდა ხიდირბეგიშვილების გვარი.

იოანე ბატონიშვილის თანახმად, როგორც ზემოთ იყო აღნიშნული, ხიდირბეგიშვილები ქართლში, კერძოდ, ხაშურში, XVII საუკუნის 30-იანი წლებიდან ჩანან. რომ, მართლაც, ამ პერიოდიდან უნდა იყვნენ მოსულები ხაშურში ხიდირბეგიშვილები, ამაზე მიგვანიშნებს ორი მომენტი. ერთი ის, რომ თეიმურაზ I-ის სახელთან დაკავშირებულ „სასარდლო წიგნში“, რომელიც როგორც ჩანს, მისი ქართლში მეფობის პერიოდში უნდა იყოს შედგენილი, ამილახვრის სადროშოში ხიდირბეგიშვილები არ მოიხსენიებიან. „სასარდლო წიგნში“ აღნიშნულია: „არის ბატონის ამილახვრის დროშაზე: ბატონიშვილი გიორგი, ერთობილინი ზევდგინიანი, ფავნელიანი, მაჩაბლიანი, თუმანიანი, ბატონი მორველი, ავალიშვილი ქაიხოსრო, ბატონი ურბნელი, ხერხაულიანი, ფალავანიანი, ბატონი მთავრეფისკოპოზი, რაც გორს ზედათ აწ სადგოფლო არის, აწ სუეტიცხოველისა და იერუსალიმისა ერთობილინი, ამირეჯიბიანი, თვალდამწვარიანი, დიასამიძე ელისაბარ, როსტომ ქაეთარაძე, ტატანი და წერეთლის მამული, აბაშიძის მამულები, იტრიის წინამძღვარი, აბაზაძე, დამდაწაშვილი, ავალიშვილი გუღბათ, ფაფინა იალუზიშვილი“.

ამრიგად, როცა ეს დოკუმენტი იწერებოდა, ხიდირბეგიშვილები ჯერ კიდევ არ არიან გადმოსულები ქართლში. ეს მაშინ, როდესაც თითქმის ყველა ის ცნობილი გვარი, რომლებიც ზემო ქართლის ამ რეგიონში /სურამი-ხაშური/ გვხვდება, თითქმის ყველაა დასახლებული დოკუმენტში /აბაშიძე, აბაზაძე და სხვა/. როგორც ჩანს, ხიდირბეგიშვილების ამილახვრების სადროშოზე „მიწერა“ შემდგომ ხდება, რაც დასტურდება სწორედ მომდევნო პერიოდის დოკუმენტებიდან.

ალექსანდრე ამილახვარი „გეორგიანულ ისტორიაში“ აღნიშნავს, რომ „ზემო ქართლში შეადგენს სამფლობელოს ამილახვრებისა და თავადთა გვარებისა. სახელდობრ: 1. აბაშიძეებისა, 2. ფალავანიშვილებისა, 3. ხერხეულიძეებისა, 4. დავითიშვილებისა, 5. ამირეჯიბებისა, 6. ავალიშვილებისა, 7. ხიდირბეგიშვილებისა, 8. ჩხეიძეებისა, 9. დიასამიძეებისა, 10. სიამარდიშვილებისა, 11. თაქთაქიშვილებისა, 12. შალიკაშვილებისა, 13. მაჩაბლებისა“.

ხიდირბეგიშვილებს იცნობს ი. ა. გუდლენშტედტიც, რომელიც ქართლის თავადთა გვარების ჩამოთვლის დროს მოიხსენიებს მას.

XVII საუკუნეში, განსაკუთრებით კი XVIII საუკუნეში, ისტორიულ დოკუმენტებში ხშირად მოიხსენიებიან ხიდირბეგიშვილები. დასტურდება ხიდირბეგიშვილების სათავადოც, ე.წ. „სახიდირბეგიშვილო“. ხიდირბეგიშვილებს მამულები გააჩნიათ ძირითადად ხაშურისა და სურამის შემოგარენში, აგრეთვე დღევანდელი ხაშურის რაიონის ზოგიერთ სოფელშიც.

ხაშურის რაიონის ტერიტორიაზე ხიდირბეგიშვილები საისტორიო დოკუმენტების თანახმად, XVII საუკუნის 30-იან წლებიდან ჩანან, რაც ერთგვარად განამტკიცებს იოანე ბატონიშვილის ცნობას ხიდირბეგიშვილებისათვის მეფე თეიმურაზის მიერ 1630 წელს ხაშურის ბოძების ფაქტს. კერძოდ, 1637 წლის როსტომ მეფის მიერ ზაქარია ავალიშვილისადმი მიცემული წყალობის წიგნიდან ჩანს, რომ ხიდირბეგიშვილებს მამული აქვთ სოფელ სომანეთში. წყალობის

(დასასრული)

წიგნის მიხედვით, როსტომ მეფე ზაქარია ავალიშვილს უახლებს მისივე ნაქონი მამულის - სომანეთის- წყალობის სიგელს ხიდირბეგის მესხების გარდა. „...ხიდირბეგის მესხებს გარეთ“ - ნათქვამია სიგელში. (5,141).

XVIII საუკუნის 10-20-იანი წლების ერთ-ერთ დოკუმენტში დაფიქსირებულია ხიდირბეგიშვილების „კაცების“ გვარები. ეს ის „კაცები“ უნდა იყვნენ, რომლებიც ხაშურში სახლობენ და ერთი ნაწილი რუისის სამწყვსოს 1715 წლის დავთარშიც გვხვდება. ეს „კაცები“ არიან: თოფჩიაშვილი, ქიტიაშვილი, ქუჩიასშვილი, აბიასშვილი, ტაკია, ნინია, ქიმერიძე გელია, ქიმერიძე პეტრია, ბაბალია, მენაბდისშვილი, ფოცხვერია, მელიორისშვილი, იაგუნდაშვილი. (16, 14827).

მამუკა აბაშიძის მიერ ვახუშტი აბაშიძისათვის 1743 წლის 17 ივნისს მიცემულ ყმის ნასყიდობის წიგნში მოწმედ დასახელებულია ხიდირბეგიშვილი ხიდირბეგ (6,316).

1752 წელს გიორგი ხიდირბეგიშვილი თავის ძმებთან ქაიხოსროსთან და როსტომთან ერთად დიმიტრი ციციშვილს ჭარტლიულის ზვარს აძლევს სურამში: „ნასყიდობის წიგნი და სიგელი დაგიწერეთ და მოგეცით ჩვენ ხიდირბეგიშვილმა გიორგიმ და ძმამან ჩემან... (აქ სახელი გამოტოვებულია) და ქაიხოსრომ და როსტომ თქვენ ბატონს ციციშვილს დიმიტრის და ძმისწულსა თქვენსა იოვანესა და შვილსა და მომავალსა სახლისა თქვენი-სა, ასე რომ დაგვეჭირა და მოგვიდეთ ჩვენი ზვარი ჭარტლიური თავისის სანაპიროთი როგორცაჲც ძველთაგან სანაპირო და ღობე ქონდეს: აქეთ მურვანისშვილების მიწის მიდგამადი, ქვეით მარგლითავეს მურვანისშვილის მოცემულის მიწის (მიდგამადი), (იქით) ბაიაშვილის მიწის მიდგამადი, ზეით კიდევ მურვანისშვილის მიწის მიდგამადე“.

ხიდირბეგიშვილებს გარკვეული სამოხელეო თანამდებობაც სჭერიათ. სვიმონ ამირეჯიბის 1761 წლის 30 მარტის არზაში ყმის თაობაზე, ხიდირბეგიშვილი იასაულია. 1798 წლის 16 ივნისის ზაზა და დავით ამირეჯიბების ყმის საქმეზე განჩინებაში ავთანდილ ხიდირბეგიშვილია იასაული.

როგორც დოკუმენტებით დასტურდება, ხიდირბეგიშვილებსა და მურვანიშვილებს შორის XVIII საუკუნის 70-იან წლებში ურთიერთობა დაძაბულია. 1771 წლის დამდეგს, ერეკლე II-ის დავალებით, მისი კარის მდივანბეგები იესე მურვანიშვილს და როსტომ და ტეტია ხიდირბეგიშვილებს შორის სასისხლო საქმეს არჩევენ, რომლის მიხედვითაც ამ უკანასკნელთ მურვანიშვილის სასარგებლოდ დაედოთ „...მესამელი თეთრი ოქრო თუ ვერცხელი და ორი ნაწილი იარაღი, პირუტყვი და ვეჯი / ნადი“.

ორი წლის შემდეგ, 1773 წლის დასაწყისში, ხიდირბეგიშვილებსა და მურვანიშვილებს შორის კვლავ გართულებულია ურთიერთობა. ამჯერად პირადად ერეკლე II ერეკლე საქმეში და ზემო ქართლის სადროშოს - საამილახოროს სარდალს რევაზ ამილახორს წერს: „... ხიდირბეგიშვილს მამუკას და როსტომს წიგნი მივწერეთ და დავიბარეთ, მურვანიშვილები სამართალში უჩივიან და ის წიგნი ერთის კაცის ხელით გაუგზავნეთ, რომ კარზედ ჩამოვიდნენ აპრილის 9-ს. რომელიც კაცი გაგზავნო, იასაულათ დაადგეს და ჩქარა გამოგზავნოს“.



შოთა (შაშა) ხიდირბეგიშვილი, მისი მეუღლე დარეჯან ბაგრატიონი (მარცხნივ) და დედა თამარი (დაახლოებით 1870 წელი)

ტი, რომელიც ეხება ოსიაურელ კონაძეს. იგი ხიდირბეგიშვილის მამულიდან არის გაპარული და მისი საქმე უნდა გაარჩიოს ლუარსაბ მურვანიშვილმა. მამუკა ხიდირბეგიშვილი აფრთხილებს ლუარსაბ მურვანიშვილს, რომ საქმე სამართლიანად გადაწყვიტოს. წერილში ნათქვამია: „...ასე რივით დაიჭირე საქმე, რომ მე და შენ სამღურავი არ მოგვიხდეს, თორემ ქვეყანამ იცის, რომ ჩვენშიდ მტრობა არის და სხვაც არავინ დაიჯერებს შენს სიმართლეს“.

ხიდირბეგიშვილებთან დაკავშირებით საინტერესოა ერთი დეტალი. ამ გვარის წარმომადგენლები, როგორც ჩანს, ლეკებთან ერთად არბევდნენ ზემო ქართლს. არაერთი დოკუმენტით დასტურდება მათი ურთიერთობა ახალციხის საფაშოსთან. ასე მაგალითად, 1772 წლის 16 ნოემბერს, ახალციხის ფაშის-სულეიმანის წაქეზებით ქართლს შემოსული ლეკის ჯარი როსტომ ხიდირბეგიშვილის წინამძღოლობით მიაღწენ ცხინვალს და „...რაც ციხის გარეთ ხალხი იყო, სულ დაატყვევეს ექვსას სულამდე“. მათვე აიღეს და აიკლეს ოსიაურის ციხეც. 1785 წელს სულეიმან ფაშას მიერ ქართლში დასაზვერად გამოგზავნილ ხასან ხანთაძეს ხაშურიდან ხიდირბეგიშვილის მოსამსახურე მგზურობს გორისაკენ და სხვა.

ხიდირბეგიშვილის გვარის სხვადასხვა წარმომადგენელი ხშირად გვხვდება ისტორიულ დოკუმენტებში.

1775 წლის 9 დეკემბრით დათარიღებულ გიორგი ლომოურის მოწმე-

ხიდირბეგიშვილები

ბის წიგნში ლუარსაბ მურვანიშვილთან ერთად მოიხსენება როსტომ ხიდირბეგიშვილი, რომელიც მონაწილეობას ღებულობს მესხეთიდან ქართლში გლეხების გადმოყვანაში.

1783 წლის 14 მარტის განჩინებაში ლუარსაბ მურვანიშვილსა და სურამის მამასახლისის დავაზე მოიხსენება მამუკა ხიდირბეგიშვილი(11,207) დათუა ბადრიაშვილის 1783 წლის 13 ივნისის არზაში მამულის თაობაზე ჩანს, რომ ხიდირბეგიშვილებს ბეკამში ჰყავთ ყმა /ბადრიაშვილი/.

ბერუა ქურდაძის 1785 წლის 28 ნოემბერის არზის მიხედვით, იგი ხიდირბეგიშვილებზეა სურამში „დაგირავებული“ „...ამიღეს და ხიდირბეგიშვილებზე დამაგირავეს“ - ნათქვამია დოკუმენტში.

ბეცია თარხნიშვილისა და ღვალადის მამულის საქმეზე 1793 წლის 23 მარტის განჩინებაში მოიხსენიება მამუკა ხიდირბეგიშვილი. იმავე საქმეზე სხვა პირებთან ერთად, 1793 წლის 18 აგვისტოს განჩინებაში იულონ ბატონიშვილი მამუკა ხიდირბეგიშვილს ავალებს სადავო საკითხის გადაწყვეტას.

1793 წლის 19 სექტემბრის გლახა ფალავანიშვილის ყმის ლუარსაბ ნაგლადის საქმის განჩინებაში იოანე ხიდირბეგიშვილია მოხსენებული.

თარხან გიორგისა და მეთარ სოლომონის მამულის საქმეზე 1797 წლის 5 მარტის განჩინებაში კვლავ მამუკა ხიდირბეგიშვილი მოიხსენება. იგივე მამუკა ხიდირბეგიშვილი მოიხსენება იმავე წლის 20 დეკემბრის ყორღანაშვილების ყმების საქმის განჩინებაში.

გიორგი XII-ის მიერ 1799 წლის 19 ოქტომბრის ბრძანებით „...ამასთან /ე.ი. მამუკა ხიდირბეგიშვილთან-თ.ღ./ და ამის ყმასთან საქმე არავისა აქვს, არც ჩვენს ძმებსა და არც ჩვენს შვილებსა, ყველამ უნდა იცოდნენ. უჩვენოთ ვერც რას შეაწერენ და ვერც არასა სთხოვენ, რაც სათხოვარი იქნება, ჩვენ სახელდობრ შეაწერეთ და გამოვართმევ, უჩვენოთ ამასთან და ამის ყმასთან საქმე არავის აქვს და ვერც არას შეაწერეთ და ვერც არას გამოართმევთ, ყველამ ასე იცოდეს, რომ ეს სამეფო თავადი არის...“.

ზაალ დავითაშვილისა და შანშე რამაზაშვილის მამულის საქმეზე 1800 წლის 13 ივნისის განჩინებაში „შეგდებულ მოფიცრებში“ დასახელებულია ქაიხოსრო ხიდირბეგიშვილი.

1800 წლის 4 ივლისის ნინია ხიდირბეგიშვილის ყმების საქმეზე განჩინებით დასტურდება, რომ ხიდირბეგიშვილებს სურამში ებრაელებიც ჰყავთ ყმებად /ისაკა, აბრამა და მათი ძმები/.

ხიდირბეგიშვილებს ზემო ქართლის სხვა თავადებთან ერთად გარკვეული ვალდებულება ჰქონდათ სამეფო კარის წინაშე ლაშქარში სამსახურისა და სურსათის „გამოღების“ თვალსაზრისით. 1783 წლის 14 ივლისის ზემო ქართლის საქვეყნო ხარჯის ნუსხაში აღნიშნულია, რომ ხიდირბეგიშვილების ყმებს უნდა გაეღოთ „...თეთრი თვრამეტი მინალთუნი“ და „...პურის კოდი-თვრამეტი“. 1784 წლის 10 ივნისის ერეკლე II-ის ბრძანებით რუისის ჯარისათვის სურსათის გამოღების თაობაზე, ხიდირბეგიშვილის ყმებს უნდა გაეღოთ ფქვილი „...ხარვალი ორი, კოდი ზ შვიდი“.

ჯარის დაბარების შესახებ, ერეკლე II-ის 1787 წლის 26 დეკემბრის ბრძანების მიხედვით, მამუკა ხიდირბეგიშვილს ლაშქარში უნდა გაეყვანა „აზნაურიშვილი ერთი, გლეხიც ერთი“(15,152). იმავე წლით დათარიღებულ ჯარში გამსვლელთა ნუსხაში კვლავ მოიხსენება „ხიდირბეგიშვილი მამუკა, ერთი აზნაურიშვილით და ერთი გლეხით“. 1789 წლის 19 თებერვლის ერეკლე II-ის ბრძანებით მამუკა ხიდირბეგიშვილი ყარაბაღში გასაგზავნად ჯარში სამი კაცით უნდა გასულიყო.


გეორგიევსკის ტრაქტატის /1783წ./ დანართში-“ქართლ-კახეთის თავად-აზნაურთა სიაში“, -შეტანილია ხიდირბეგიშვილის გვარიც. აქვე მოიხსენიებიან მისი აზნაურების - ნათისშვილის და ოლძაელის გვარები.

ხიდირბეგიშვილის აზნაურები-ნათისშვილები და ოლძაელებიც არაერთ ისტორიულ დოკუმენტში გვხვდება. იოანე ბატონიშვილი ნათისშვილის შესახებ შემდეგ ცნობას გვაწვდის: „ამათი წინაპარი მოვიდა სტამბოლიდან ბურძენთა გვარი, რომელსა ეწოდა ნათან და დაესახლა ახალციხეს და იყო მუნ აზნაურად მიღებული, და ოდეს ათაბაგი შეიქმნა მაჰმადიანი, ესენიც აიყარენ და შთამოყენენ ხიდირბეგის შვილებს ქართლშია და დაეშენენ მუნ და არიან ცნობილ მცირე აზნაურად მეფისაგან დროსავე ლუარსაბისა მეფისა 1612 წ. და მეფის ირაკლის დროსაც იყო გლახა ნათისშვილი მიჩნეული მეცნიერებისა გამო...“.

ნათიშვილი რუისის სამწყვსოს 1715 წლის დავთარში დაფიქსირებულია გორათში.

ოლძაელების გვარის შესახებ, იოანე ბატონიშვილი შემდეგს აღნიშნავს: „ამათნი წინაპარნი არიან მკვიდრნი ადგილის ოლთისა და მის გამო მიიღეს გვარადცა ოლთაელობა და არიან მცირე აზნაურნი, ცნობილნი დროსვე მეფისა თეიმურაზისასა...“ მეორე ვარიანტით: „არის სურამის ხეობიდანვე ძველად ოქელი სოფლიდამ და ადგილისა გამო გაუვარდა ოლძელი, ესენი იყვნენ დროსა თეიმურაზ მეფისასა 1640 წელს“.

სურამის ხეობაში არ ფიქსირდება სოფელი ოლთა ან ოქელი, საიდანაც უნდა მომდინარეობდეს ოლძელების გვარი, როგორც ამას იოანე ბატონიშვილი აღნიშნავს. აქ იგი, ალბათ, სოფელ ოძისს გულისხმობს, რომელსაც იგი სურამის წყლის ხეობის აღწერის დროს აფიქსირებს. თუმცა უნდა შევნიშნოთ, რომ სოფელ ოძისში აზნაური აბაზაძეები მკვიდრობდნენ.



მარცხნივ გიორგი ხიდირბეგიშვილი (პოლკოვნიკი), რომელიც ხაშურში საკათედრო ტაძარშია დაკრძალული.

იწყება სოფლის მხარდაჭერის პროგრამის განხორციელება

უკანასკნელ წლებში, ქვეყნის ხელისუფლების მცდელობით, ბევრი რამ კეთდება რეგიონების ეკონომიკური წინსვლისთვის. სოფლების აღორძინება მთავრობის ერთ-ერთი ძირითადი პრიორიტეტული მიმართულებაა და ამის ყველაზე ნათელი დადასტურება სოფლების მხარდაჭერის პროგრამაა, რომლის განსახორციელებლად მილიონობით ლარია გამოყოფილი.

როგორც ჩვენთან საუბარში ხაშურის მუნიციპალიტეტის გამგეობის ეკონომიკური განვითარების სამსახურის ინფრასტრუქტურის განვითარების სამსახურისა და კეთილმოწყობის განყოფილების უფროსმა გიორგი პაპი-

აშვილმა აღნიშნა, წელს სოფლის მხარდაჭერის პროგრამა რაიონის ყველა 70-მდე სოფელს შეეხო. ამ პროგრამის ფარგლებში 800 ათასზე მეტი ლარია გამოყოფილი, რაც წინა წელს რამდენიმე ათეული ათასი ლარით აღემატება. დღეისათვის უკვე 40 ტენდერია დამთავრებული და სამუშაოები ამ კვირაშივე დაიწყება. დარჩენილი 25 ტენდერიც დასრულების პირასაა და მისი დასრულების შემდეგ გამარჯვებული სამშენებლო ორგანიზაციებთან ხელშეკრულებები გაფორმდება. სამუშაოების დამთავრება პირველ 40 ტენდერზე აგვისტოშია ნაგარაუდვეო. მოლიანად კი სოფლის მეურნეობის მხარდაჭერის პროგრამის ფარგლებში გაწეული სამუშაოები შემოდგომაზე დასრულდება...

№	რეგიონი	მუნიციპალიტეტი	სოფლის პროგრამის ფარგლებში გამოყოფილი თანხა 856827.00 (ლარი)	ტერიტორიული ორგანო	სოფელი	პროექტის დასახელება	პროექტის ღირებულება
1	შიდა ქართლი	ხაშური		სურამი	დაბა სურამი	სანიაღვრე არხების მოწყობა	140000
2	შიდა ქართლი	ხაშური			ურთხევა	პატარა წყაროსთან სკვერის მოწყობა	2000
3	შიდა ქართლი	ხაშური			ურთხევა	გზის რეაბილიტაცია	6000
4	შიდა ქართლი	ხაშური			ბოლნისი	სტადიონის შემოღობვა	9500
5	შიდა ქართლი	ხაშური			ზეკოტა	სკვერის მოწყობა	8000
6	შიდა ქართლი	ხაშური			დიდი ბეკაში	სანიაღვრე არხების მოწყობა	7427
7	შიდა ქართლი	ხაშური			პატარა ბეკაში	სანიაღვრე არხების მოწყობა	9700
8	შიდა ქართლი	ხაშური		ხევისი	ხევისი	წყლის სისტემის მოწყობა	23000
9	შიდა ქართლი	ხაშური			მწიობი	საბავშვო ბაღის მშენებლობის დასრულება	9500
10	შიდა ქართლი	ხაშური			ერისხევი	წყლის ქსელი მშენებლობა	5000
11	შიდა ქართლი	ხაშური		წრომი	ახალმწი წრომი, ნადარბაზევი, იმერლი ანთკარი, დიდი ხალეთი, დიდი ყელეთი, პატარა ყელეთი	სოფელ წრომის ალტერნატიული ბაგა ბაღის შენობა ნაგებობის რეაბილიტაცია	39900
12	შიდა ქართლი	ხაშური		ხალუბი	დიდი ხალუბი	სანიაღვრე არხების მოწყობა	4300
13	შიდა ქართლი	ხაშური			პატარა ხალუბი	სანიაღვრე არხების მოწყობა	4000
14	შიდა ქართლი	ხაშური			ღართა	სასმელი წყლის სათავე ნაგებობის და წყლის ქსელის მოწყობა	4300
15	შიდა ქართლი	ხაშური			სარტყელა	ახალი სათავე ნაგებობის და წყლის სისტემის მოწყობა	6400
16	შიდა ქართლი	ხაშური			ღერა წყალი	არტეზიული ჰის მოწყობა და არსებული ჰის რეაბილიტაცია	4300
17	შიდა ქართლი	ხაშური			ალექსანდრეს წყარო	სანიაღვრე არხების მოწყობა	4000
18	შიდა ქართლი	ხაშური		ქვიშხეთი	ქვიშხეთი	სანიაღვრე არხების მოწყობა	20000
19	შიდა ქართლი	ხაშური			ქვიშხეთი	წყლის სისტემის რეაბილიტაცია	30000
20	შიდა ქართლი	ხაშური			მონასტერი	გარე განათების მოწყობა	3000
21	შიდა ქართლი	ხაშური			მონასტერი	გზის რეაბილიტაცია	2000
22	შიდა ქართლი	ხაშური			ბულბულისციხე	გარე განათების მოწყობა	2000
23	შიდა ქართლი	ხაშური			ბულბულისციხე	წყლის სისტემის რეაბილიტაცია	2000
24	შიდა ქართლი	ხაშური			ბელლითი	სანიაღვრე არხების მოწყობა	4000
25	შიდა ქართლი	ხაშური			სათივე	წყლის სისტემის მოწყობა	6000
26	შიდა ქართლი	ხაშური			სარმანიშვილის კარი	გზის რეაბილიტაცია (სავალი ნაწილის გამკვრივება)	4000
27	შიდა ქართლი	ხაშური			ტამისკარი	წყლის სისტემის მოწყობა	10000
28	შიდა ქართლი	ხაშური			ტეზერი	სანიაღვრე არხების მოწყობა	15000
29	შიდა ქართლი	ხაშური			ყვიანთურბანი	სანიაღვრე არხების მოწყობა	3000
30	შიდა ქართლი	ხაშური			სავანისუბანი	მინი სტადიონის მოწყობა	5000
31	შიდა ქართლი	ხაშური			რუჟანთურბანი	სარიტუალო დარბაზის კეთილმოწყობა	4000
32	შიდა ქართლი	ხაშური		გზრამუხა	გზრამუხა	სკვერის კეთილმოწყობა	37000
33	შიდა ქართლი	ხაშური			გზრამუხა	ზიბლითიყვის მშენებლობა	10000
34	შიდა ქართლი	ხაშური			თავდეთი	სასმელი წყლის სათავე ნაგებობის და დაზიანებული მცვერის რეაბილიტაცია	4900

35	შიდა ქართლი	ხაშური			კოდისწყარო	გზის რეაბილიტაცია	2000
36	შიდა ქართლი	ხაშური			რბონა	გზის რეაბილიტაცია	3000
37	შიდა ქართლი	ხაშური			დამხეულა	გზის რეაბილიტაცია	4100
38	შიდა ქართლი	ხაშური			ქაშვი	გარე განათების მოწყობა	2000
39	შიდა ქართლი	ხაშური		ოსიური	ზემო ოსიური	სასავლის შემოღობვა და შესასვლელი კარების მოწყობა	28000
40	შიდა ქართლი	ხაშური			ქვემო ოსიური; (ლუვა)	ბაღის შემოღობვა და შესასვლელის მოწყობა	21000
41	შიდა ქართლი	ხაშური			ახალსოფელი	სასავლის გალენის მშენებლობა	5000
42	შიდა ქართლი	ხაშური		გომი	გომი	სოფლის ტერიტორიაში არსებული ძველი შენობა-ნაგებობის რეაბილიტაცია, კულტურულ საკმარისობის შემოღობვა	28000
43	შიდა ქართლი	ხაშური			ხიდი ყური	სათავე ნაგებობის რეაბილიტაცია და ქსელის მოწყობა	4900
44	შიდა ქართლი	ხაშური			გვა	გარე განათების მოწყობა	10000
45	შიდა ქართლი	ხაშური			გვა	სასმელი წყლის სისტემის მოწყობა	16400
46	შიდა ქართლი	ხაშური			ქვემო აძვისი	სანიაღვრე არხების მოწყობა	5400
47	შიდა ქართლი	ხაშური			დიდი სატყვე; პატარა სატყვე	საბავშვო ბაღის მოწყობა	13800
48	შიდა ქართლი	ხაშური			აგარები	ატრაქციონების შესყიდვა	5800
49	შიდა ქართლი	ხაშური		ფლევი	დიდი ფლევი	წყლის ქსელის/სისტემის მოწყობა	20000
50	შიდა ქართლი	ხაშური			პატარა ფლევი	წყაროს მიმდებარე ტერიტორიის კეთილმოწყობა	8700
51	შიდა ქართლი	ხაშური			ნავარგორა	წყლის სათავე ნაგებობის რეაბილიტაცია-შემოღობვა	8300
52	შიდა ქართლი	ხაშური			ტკოვა	გარე განათების მოწყობა	16000
53	შიდა ქართლი	ხაშური		ალი	ალი	სანიაღვრე არხების მოწყობა	35000
54	შიდა ქართლი	ხაშური			ზრილი	გარე განათების მოწყობა	10600
55	შიდა ქართლი	ხაშური			ახალუბანი	გარე განათების მოწყობა	5000
56	შიდა ქართლი	ხაშური			დუშაბეზვი	გარე განათების მოწყობა	6000
57	შიდა ქართლი	ხაშური			ზემო აძვისი	გარე განათების მოწყობა	5600
58	შიდა ქართლი	ხაშური			კლდისწყარო	გარე განათების მოწყობა	4000
59	შიდა ქართლი	ხაშური			მცხეთიჯვარი	სასმელი წყლის სისტემის მოწყობა	8000
60	შიდა ქართლი	ხაშური			უწყლევი	საუნო სასმელი წყაროს კეთილმოწყობა	2200
61	შიდა ქართლი	ხაშური			ნაბახტევი	გარე განათების მოწყობა	18000
62	შიდა ქართლი	ხაშური			ქინძათი	გარე განათების მოწყობა	8000
63	შიდა ქართლი	ხაშური			ქინძათი	სოფლის სასავლის შემოღობვა	8500
64	შიდა ქართლი	ხაშური		წალელი	წალელი, (ყობი)	უზნების მორის დამაკვირბებელი ბეტონის გზის გაკეთება	21000
65	შიდა ქართლი	ხაშური			კლდისწყარო	სასმელი წყაროსთან სათავე ნაგებობის რეაბილიტაცია	6000
66	შიდა ქართლი	ხაშური			ქვემო ბროლოსანი	ატრაქციონების შექმნა-დამონტაჟება	6300
67	შიდა ქართლი	ხაშური			ზემო ბროლოსანი	გარე განათების მოწყობა	5500
68	შიდა ქართლი	ხაშური			ჩორჩანა	მოსადიდელის აშენება	4900
69	შიდა ქართლი	ხაშური			წელდერი	წყაროს სათავე ნაგებობის მოწყობა და წყლის ქსელის მოწყობა	4600
70	შიდა ქართლი	ხაშური			ტეტევის წყარო	სოფლის მისასვლელი გზის კეთილმოწყობა	4100
71	შიდა ქართლი	ხაშური		ცოცხნარა	ცოცხნარა	კულტურული ცენტრის მოწყობა	9300
72	შიდა ქართლი	ხაშური			ქეშვი	წყაროს სათავე ნაგებობის შეკეთება	6000
73	შიდა ქართლი	ხაშური			ქეშვი	სტადიონის შემოღობვა	3000
74	შიდა ქართლი	ხაშური			ქეშვი	საბავშვო მოედნის მოწყობა	4000
75	შიდა ქართლი	ხაშური			წაბლოვანა	სარიტუალო დარბაზის მშენებლობის გაგრძელება	5100
76	შიდა ქართლი	ხაშური			ცეცხანი	წყლის სისტემის მოწყობა	5300
77	შიდა ქართლი	ხაშური			ომბისი	წყლის სისტემის მოწყობა	4500
78	შიდა ქართლი	ხაშური			ცოცხნარა	წყლის სათავე ნაგებობის მოწყობა	4700
სულ:							856827,00

არტ-გენი კვლავ გვიხმობს

სურამი უკვე მეორე წელია ფოლკლორისა და თვითშემოქმედების ფესტივალს „არტ-გენს“ მასპინძლობს. ფესტივალის მიზანია ქართული ხალხური შემოქმედების პოპულარიზაცია, უცნობი ნამუშევრების შეკრება და საზოგადოებისათვის გაცნობა. 1 ივლისს, სურამში, ბაიანთხევის ფიჭვნარში მოეწეობა



კონცერტები საქართველოს სხვადასვა კუთხეებიდან მოწვეული პოპულარული მუსიკალური შემსრულებლების მონაწილეობით, ასევე ხალხური რეწვისა (თეჯა, მინანქარი, ჭედური ხელოვნება, ხეზე კვეთა) და გამოყენებითი ხელოვნების გამოფენა-გაყიდვა. შეუდარებელი სანახაობა და უდიდესი სიამოვნება ელოდება სტუმრებს წლევანდელ არტ-გენზეც. ხაშურის მუნიციპალიტეტის გამგებმა განათლების, კულტურისა და სპორტის სამსახური გიწვევთ ამ საოცარი დღის აღსანიშნავად. თქვენ წინ გელოდებათ ხალხური ფოლკლორით გაუღებთილი გარემო და შთაბეჭდილებებით დახუნძლული, გამორჩეული დღე.

ხაშურის VI საჯარო სკოლის გოგონათა გუნდი - კოკა-კოლას თასის გამარჯვებული

ქალთა ფეხბურთში, ქვეყნის მასშტაბით, ხაშური რომ ერთ-ერთ ცენტრად ითვლება, არახალია. წლებია, შესანიშნავი პიროვნების და მწვრთნელის თემურ კობერიძის მიერ დამოძღვრილი გოგონები ყველა დონის შეჯიბრზე ფავორიტებად ითვლებიან და ამართლებენ კიდევ ამ სტატუსს. ახლახანს კოკა-კოლას თასზე, რომელშიც შიდა ქართლის სკოლების გოგონათა გუნდები იღებდნენ მონაწილეობას, ხაშურის VI საჯარო სკოლის გუნდმა ჯგუფში ჯერ გორის II საჯარო სკოლის გუნდს სძლია (3:1), ამის შემდეგ ურბნისელი გოგონები დატოვა მშრალზე (5:), ფინალში კი შანსი არ დაუტოვა გორის X სკოლის გუნდს (4:0).



პარალელურად, ეროვნულ ჩემპიონატში, შესანიშნავად ასპარეზობს ჩვენი მუნიციპალიტეტის ნაკრები. გოგონათა გუნდი მეორე ადგილზეა (35-ე სკოლა - 3:2; ლანჩხუთი -3:1; აჭაქრა -8:1). მათ მხოლოდ ქუთაისის უძლიერეს გუნდთან დათმეს შეხვედრა. თუმცა, ჩემპიონატი გრძელდება და ჩვენს გუნდს ჯერ კიდევ აქვს შანსი ქვეყნის ჩემპიონი გახდეს.

სურათზე: ხაშურის VI საჯარო სკოლის გოგონათა გუნდი: (პირველი რიგში) მარიამ ყაზახაშვილი, მარიამ კულუმბეგოვი, მარი დოიჯაშვილი, ნანა იკო მანჩხაშვილი; (მეორე რიგში) ნინო ხაჩიძე, მარი ლომიძე, ნინო გელაშვილი, ანი ლომიძე, ანა გელაშვილი, თემურ კობერიძე.

მხარეთმცოდნეობის მუზეუმმა მხატვრებს უმასპინძლა

ხაშურის მუნიციპალიტეტის მხარეთმცოდნეობის მუზეუმის საგამოფენო დარბაზში, საუკეთესო მხატვრის გამოსავლენად, გამოფენა-კონკურსი მოეწყო. რეზო კოსტაძის ორგანიზატორობით გამართული შეხვედრა საზოგადოებას ერთ იდეის-ხაშურში მხატვართა კავშირის დაარსების გარშემო აერთიანებდა.

ლონისძიებაში რვა კონკურსანტი მონაწილეობდა: რეზო კოსტაძე, ხათუნა ჩიტაძე, ირაკლი ლინელი, გიგა ბლიაძე, გიორგი კიკაძე, მიშა ამანათაშვილი, თემურ ბარბაქაძე და გია კუპრაძე. შეკრებილმა საზოგადოებამ, „ხაშურის საუკეთესო მხატვრად“-ახალგაზრდა ხატმწერი-ირაკლი ლინელი დაასახელა.



შეხვედრის დასასრულს სამუზეუმო გაერთიანების ხელმძღვანელმა-თამაზ ლაცაბიძემ, კონკურსანტებს დიპლომები, ხოლო ხაშურის მუნიციპალიტეტის კულტურულ-ისტორიული მემკვიდრეობისადმი გამოჩენილი მზრუნველობისა და სამუზეუმო საქმეში შეტანილი განსაკუთრებული წვლილისათვის, ხაშურის მუნიციპალიტეტის გამგებელს-გიორგი გურასაძეს გადასცემს „მუზეუმის მეგობრის“

საპატიო სიგელი გადასცა. გამოფენა, ათი დღის განმავლობაში გაგრძელდება და დათვალიერების შესაძლებლობა ყველა მსურველს ექნება.

„ბიგ-რაუნდში“ მე-8 საჯარო სკოლა გაჩემპიონდა

18 ივნისს, ხაშურის მუნიციპალიტეტის გამგებობის განათლების, კულტურის და სპორტის სამსახურის ორგანიზებით და ხაშურის საგანმანათლებლო რესურსცენტრის მხარდაჭერით, შედგა ინტელექტუალური თამაშის „ბიგ-რაუნდი“ ფინალური შეხვედრა. შეხვედრა გაიმართა ქ. ქობულეთში. ერთმანეთს დაუპირისპირდა ფინალში გადასული- №1, №7 და №8 საჯარო სკოლების გუნდები. პირველობისთვის ბრძოლა საკმაოდ დაძაბულად დასაინტერესოდ წარიმართა. საბოლოო შედეგი კი ასე დაფიქსირდა: №8 საჯარო სკოლა - 11 ქულა, №1 საჯარო სკოლა - 8 ქულა და №7 საჯარო სკოლა - 7 ქულა.



შეხვედრის ბოლოს, ხაშურის მუნიციპალიტეტის გამგებობის სახელით სამსახურ ფასიანი საჩუქარები გადაეცა სამივე ფინალისტ გუნდს, გამარჯვებული №8 საჯარო სკოლის გუნდის თითოეულ წევრს კი, დამატებით მხატვრული ლიტერატურა.

ბავშვებისათვის გაფერადებული დღე

კიდევ ერთი დღე შეიძება ათასფერად ბავშვებისათვის. 20 ივნისს, ხაშურის მუნიციპალიტეტის საბავშვო ბაღის მუსიკის მასწავლებლის ნანი ბოჭორიშვილის ხელმძღვანელობით გაიმართა პატარა კონცერტისათვის „ერთად ვიმღეროთ ნუცასთან ერთად“.



მეორე საჯარო სკოლის მეექვსე კლასის მოსწავლე ნუცა ჩიტაძემ თავისი შექმნილი ჩანახატებით და ლექსებით ყველა გააოცა. ნუცასთან ერთად ღონისძიებაში მონაწილეობა მიიღეს სხვა სკოლის მოსწავლეებმაც, რომელთა სიმღერებმაც ორმაგად გაახალისეს დაატკბეს გარემო.

მელიანდაგებმა პირველობა არავის დაუთმეს

საქართველოს რკინიგზელთა პროფესიული კავშირი ტრადიციულად ყოველ წელს მართავს ტურნირს რკინიგზელ ფეხბურთელებს შორის. გამონაკლისი არც წელს ყოფილა და ამ დღეებში თანხისათვის ბრძოლაში ხაშურმა რეგიონალ ტურნირს უმასპინძლა. ტურნირი ძალზე დაძაბული და საინტერესო გამოდგა და მასში პირველობა არავის დაუთმო ხაშურის სალიანდაგო სამმართველოს გუნდმა.



მეორე და მესამე ადგილები, შესაბამისად, სავაგონო დეპოს და ელექტრომომარაგების სამმართველოს გუნდებს ერგოთ. გამარჯვებულები საპატიო თასით და დიპლომებით დაჯილდოვდნენ.

იმედია, გამარჯვებული გუნდი არც რესპუბლიკური ტურნირებში შეირცხვენს თავს და იქიდანაც თასით ხელში დაგვიბრუნდება.

იმედა ლაცაბიძე რკინიგზელთა პროფკავშირის ხაშურის სალიანდაგო სამმართველოს პირველადი ორგანიზაციის თავჯდომარე

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. მ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.